

KERATAN AKHBAR

(Bahagian Canselori)

Surat khabar: Utusan Sarawak (Sada Sarawak)

Hari/Tarikh: 3/9/2016

Muka surat: S1

Tajuk : Graduan ari kampung, rumah panjai nyau majak mayuh

Graduan ari kampung, rumah panjai nyau majak mayuh

KOTA SAMARAHAN: Diatu nyau majak mayuh graduan ke datai ari kampung enggau rumah panjai ba menua pesisir nenegri tu udah mujur ditempa, ku Pro' Chanselor Universiti Malaysia Sarawak (UNIMAS), Datuk Patinggi Tan Sri Alfred Jabu. Ku Jabu, ubah ke baka nya bisi dipeda lebu nyau deka semua ruang bilik ba kandang menua pesisir enda kurang ari siku ari diri sebilik ke begelar graduan.

"Perintah sigi endang ngemeranka raban nemiak ke agi biak ngulihka penemu ba tikas ke lebih tinggi.

"Nya kebuah kitai nagaka siti ruang bilik meseti bisi enda kurang ari siku graduan lalu asil taga ke baka nya bisi dipeda diatu," ku iya.

Iya mansutka jaku munyi nya maya bejadi pengerami

Pengangkun Studen UNIMAS Masuk September Timpuh 2016/2017 kemari.

Menteri Kereja Raya ti mega Menteri Mentor UNIMAS, Dato Sri Fadillah Yusof madahka, pemansang mudal mensia ukai semina ba univisiti aja tang mega pengudah graduan udah tembu belajar.

"Perintah nagaka 80 persen bala graduan ulih diambi gawa ngambika ulih besemekih enggau pangan diri chara manah lebu deka ngulihka pengawa.

"Nya kebuah bala graduan patut ngasuh diri empu bisi rega ngambika enda tinggal dibelakang maya jeman ke nyau majak moden," ku iya.

Ku iya, ketegal media sosial ke nyau majak nyadi iya sigi endang senang amat ngasuh sebarang isu nyadi kontroversial ke ulih mandangka imej

siku orang nya.

"Kita enggai ngemansangka rebak ke pandai baka nya aja tang buta ati laban enda pandai mai diri empu.

"Nya kebuah bala graduan meseti bisi tanggungjawab ke besai laban seruran nyadi chunto ke manah ngagai mensia mayuh ke nelingi sida iya jemah ila," ku Fadillah.

Dulu ari nya Penulung Sapit Chanselor UNIMAS, Prof Dato' Dr. Mohamad Kadim Suaidi madahka, bisi 3,238 iku studen UNIMAS Masuk September Timpuh 2016/2017 nyengkaum 50 iku ari sida nya studen entarabansa.

Sama bisi enggau maya pengerami nya Chairmin Lembaga Pengarah UNIMAS, Datu Dr. Hatta Solhi, bala Penulung Sapit Chanselor UNIMAS enggau bala dekan genap fakulti.



NYADIKA PENGINGAT ... Datuk Patinggi Tan Sri Alfred Jabu, Dato Sri Fadillah Yusof, Prof Dato' Dr. Mohamad Kadim Suaidi enggau Datu Dr. Hatta Solhi begambar nyadika pengingat begulai enggau bala pengatur pengawa UNIMAS nyengkaum bala studen UNIMAS Masuk September Timpuh 2016/2017 ba Kota Samarahan kemari.